

甌

甄

洞

藁

甌甌洞葉卷之八

武昌吳國倫著

始安張鳴鳳校
新安方尚贊校

七言古四十五首

越女行贈友人新婚

越女窈窕臨新妝鏡臺雲生五色光珠華旖旎蘭澤
芳霞綃霧縠明月璫一水盈盈隔瀟湘郎君欲濟河
無梁青鳥銜書鳥鵲翔天邊機杼遙相將履綦不動
輕塵揚鳴環歷歷詣宮商錦屏綺席羅中堂南薰徐
來琴瑟張飛絃促柱何洋洋齊聲雙勸瓊露漿舍情
攜手赴曲房繁星在天夜未央同心燭照珊瑚牀合

歎被繡雙鴛鴦懷中取贈西國香何以貯之金錯囊
良時極樂兩莫忘但與天地同久長

詠史二首

陽翟大賈邯鄲姬不提尺刃盜人國質子懸蒙太
上稱侍中解斬羸秦澤二周已滅六王并頌德銘功爛
金石閣道朝宮跨渭南刑徒百萬阿房役儒書煨燼
儒生阮任法求仙俱上客臥內先藏指鹿奸海上虛
傳射蛟策封禪巡游快侈心山鬼陰禿祖龍鬼君不
見輓轡之鮑鼻尚掩山東已走諸豪傑十二金人化
作妖十二公子駢爲馘又不見望夷宮中三日齋衛

士操戈衣盡白咸陽城裏三月火雷焰燻天天爲赤
吁嗟乎悲哉長城北海自金湯誰知不保蕭牆厄

其二

垓下潰圍尚有馬烏江問渡亦有船帳中悲歌美人
泣百戰非力亡非天君不見會稽城懸太守頭吳中
豪傑從西游瞋目叱咤千人廢三年自將五諸侯又
不見新安十里阬降卒咸陽屠盡義帝逐白骨爲山
血爲海風雨冥冥陰鬼哭吁嗟乎悲哉皇天好生汝
好殺萬姓無聊二儀狹一秦方滅一秦興何人不慕
三章法赤帝長驅縞素師非復鴻門謝羽時匹夫誤

學萬人敵五體橫分漢壁馳亞父七十好奇計曾望
雲龍天子氣不及外黃舍人兒片言立使重瞳畏

滎陽道中

八月單車走成臯路險直自雲霄鑿攬轡徐看箭括
通抗旌疑向袋斜卻靈源芝菌杳未攀但見大索與
小索廣武鴻溝沙草荒天邊九曲黃河落中原要害
此其最西扼嶠關障伊維憶昔楚漢逐鹿年間關此
地連鋒鏑教倉粟盡戰未酣白骨纍纍填巨壑君不
見周苛衛漢甘就烹紀信誑楚非輕生英雄不覩霸
業成化作雙虹吸滄瀛

春日同余德甫宗子相王元美集姚園席上分

得破字

誰家池館杜曲傍
竝馬攜壺踏青過
碣石風來玉龍
舞洞門雪霽玄猿臥
春寒二月花不開
高天垂垂日
欲墮匡鼎說詩解
人胸漸離擊筑驩
四座奇思能令
萬象驚須臾傲睨
千秋破對酒寧爲
世網悲雄談一
一明珠唾人生適
意各有真吾才豈
敢論王佐黃金
難逢鮑叔知囊粟
且救東方餓當歌
不醉亦徒爾滿
眼世情增懶惰
試問長安鳴玉人
古來白雪誰能和
訪子相旅舍醉而放歌

天地倉皇日月流浮雲四塞豺狼滿嗟君病後謁承
明此夕纔舒雙淚眼張燈一顧顏色真抵掌翻驚毛
髮短平頭奴子抱玉壺邀予且醉華陽館爲君重歌
郢里歌君亦和之廣陵散禮法寧拘阮籍狂塵埃止
縱嵇康嬾大呼莫遣杯行遲赤手欲把天河挽往年
同社六七人各各聲名沈藝苑飛揚何知羽翼垂調
笑但惜結交晚榻來風波各一闊遠者萬里音徽斷
李君爲郡苦持板王郎一病幾舍飯徐梁二子亦索
居長安市中無酒伴頗疑真宰忌雄圖不怪世人輕
異產吁嗟吾黨豈徒出當君意氣千金失追隨卑卓

共持螯何用鄭莊復置驛擊君唾壺枕君襟東方漸
明歌愈疾人生苦無金石姿誰能坐衰蒲脚實要使
山河移片言更叱風雷走雙筆驥首無爲轅下駒抗
身却笑禪中蟲傲睨乾坤只羽毛醉來萬古如一日
何必區區苦自營浮名豈是長生術君不見昔人高
築黃金臺空今後人指蒿萊荆高一歌燕市哀昭王
霸業安在哉

苦熱行

祝融叱馭行大荒大火南升金伏藏赤日亘天照彭
蠡炎蒸鬱結廬山黃泉源已收雙瀑布晴虹渴臥三

石梁馮夷閉宮不敢出雷電失職星無光仙人九芝
枯欲盡湘州石燕飛難翔初訝女媧煉赤石霞焰不
息天煌煌又疑楚兵入函谷縱火三月焚阿房吁嗟
毒熱那可當吁嗟毒熱那可當銳頭小兒匿深谷一
足山鬼號幽篁波臣待索枯魚肆夸父立稿大澤旁
而我羈旅一草堂上階卑濕棲炎方況復狐鼠穴我
墻蚤蚩營營鳴我牀洪濤洶洶落九江何殊九鼎爭
沸揚科頭赤足衫單綌如被鎧甲臨疆場人間襍穢
何倉皇尺寸之膚皆贅疣紈扇塵尾虛相將汗下如
雨浹我裳我有所思毒衷腸仰屋大呼起徬徨普天

憔悴難可忘中夜倚枕猶探湯手執如意叩穹蒼安
得矯翼太清鄉天帝飲我瓊露漿南風一曲高雲涼

景州塔

景州塔高崔嵬金輪寶樹層雲堆海上六釜滅未穩
何方孤鷺飛能來參天忽如一柱觀射日不見黃金
臺舍利光浮大空紫梵鈴聲起溟渤哀此中徃徃下
佛現燕趙兒女紛相猜景州塔高崔嵬我欲登之望
五嶽五嶽隱隱蒼煙迴手捫星斗策風雷掀髯大叫
天闢開俯身叱馭雙鶴回一顧萬境俱塵埃長風吹
塔塔欲摧須臾化作龍池灰白蓮社客真凡胎西方

之骨何爲哉

聞張肖甫謫陳州賦寄

辛酉四月天不雨燕南赤地連畿輔苴骨如山大道
傍鋌矛克斥無安堵 天子宵衣長樂宮罪已求言
心獨苦拯飢盡發大倉粟靖疆特授元戎斧境內吞
聲殊未休五陵七貴徵歌舞誰云弭災無上策輦轂
黃金賤如土詔當黜陟辨幽明一挽天心澤寰宇亦
知此舉屬鬼神黜籍能無張肖甫肖甫爲郎已十年
昔時綠鬢今蒼然金盡不屑暮彈鋏途危豈使先著
鞭憶昔丙辰彗星見汝兄明卿亦播遷今來入宋幾

削迹汝復在陳鳴絕弦東海波臣涸且煦南方山鬼
號相憐臺省紛紛自賢哲小臣之罪能干天但得雨
暘時若三辰順天子萬壽羣力宣家足人肥戶不
閉中原四顧無烽煙與汝何須更達宦名山大澤終
忻然

汝南醉歌留別子與

汝南郡閣天中開桐柏之水天上來太守握符但臥
治故人歇馬同登臺海內窮交半淪落相看此景增
徘徊試將景表測四極移爲詩案參三才四極三才
濛未窺男兒七尺身何爲馮君倒盡平輿酒高歌起

舞偏生悲客遊梁園病且倦逢人敢吐胃中奇五斗
折腰猶苦飢秋風且賦歸去辭歸去來兮勿云早誰
見紅顏長美好二毛不改潘生拙一官虛使馮唐老
今名達宦難可兼後死斯文須自寶黃鵠磯頭一片
石已叱浮雲爲予掃

題丁文學觀海圖

廣文先生好神遊自言一日週四海七尺素練藏笥
中風雨陰晴變真宰聞函細浪已吹屋展卷明霞忽
成絲蜃閣颼颼赤手懸雪山突兀虛堂改乍合乍散
霍霧生洶洶震耳魚龍驚奔如萬馬不可馭澄若一

鑽浮空明員嶠方壺渺難卽滄溟渤澥俱無名恍惚
驅我遊萬里風波滿眼須臾平先生蹶然酌大斗與
誰好結乘桴盟

贈張文學

會稽之竹昆吾金鏃羽不銛精光沈張郎才美亦如
此青雲屢負平生心疋馬却上長安陌一日聲名遍
相索入舍先探石鼓文談天復結華陽客是時予厭
承明久賣賦餘錢僅沽酒張郎挾刺來何親四坐談
鋒敵未有遨遊不逢楊得意歸向青原臥空翠誰知
臥治七臺陰千里颺颺雙鳥墜兩鬢相看色已秋可

憐兵火淚難收高齋寂寞幸且留爲爾一醉開羣愁
贈張邦聘有序

邦聘嶺南諸生也憤父死於賊破產購士圖
復父讐遂大擊賊勝之總戎使者疏其功聞
上得賜父營祠併錄用生生適謁予談其時事
甚悲壯也因賦短歌以贈

往年竊賊起潮惠羅浮欲摧南海立張生有父里中
豪大叫轅門入長揖願提一旅當前驅十萬官兵動
呼吸深入那知雲鳥孤全營已被蠻煙襲生也痛哭
天爲愁何當一報君父讐投筆起舞皆盡裂死士不

借千金收每飯未忘鉅鹿難三年豈釋扶椒憂七首
藏魚鉛置筑丈夫恥借盜俠籌朝逢異人授陰符暮
趨開府獻陣圖衝鋒却奮犀皮鎧結火先飛金僕姑
颶風助順天厭亂鯨鯢血海豺狼遁開府捷書奏

天子雄聲一日蜚上都 天子宵衣顧南土論功首
卹張生父雖無生象畫麒麟猶揚忠魂壯今古人言
張氏好男兒誰知男兒心獨苦萬死非干忠孝名一
劍自許涓埃補國恥旣雪親怨平區區戰功安足武
鄧母張太孺人七十壽詩

朝上七臺顛飛睇入牛斗英英五色雲中天陸離走

彷彿麻姑仙瑤池謁王母青霞結爲佩沆瀣挹爲酒
王母不可招麻姑望何遙盱江城南萬峯立金盆玉
笥芙蓉嬌西來鶴馭下赤霄武夷雉羹秦臺簫鄧家
阿母垂黃髮手扶綠玉千星杓壽觴之前彩衣舞儼
爾羣仙絳節朝河清可俟嶽可移人間福澤天無私
兒郎矯矯冰玉姿石匣丹書夜夜披南州佳氣鬱不
散青鳥相將銜紫泥昭陽太守故無奇兒郎談經解
其願言從假館留賢日遂結升堂拜母期

憶昔行寄劉憲使志仁

憶昔江門倚天闢一片落星照夜白誰騎靈鹿下太

虛五老化爲二遷客劉侯臂縮玉麟符吳郎佐之法
三尺荒城如斗吏事稀日日看天笑相既有時枕籍
昭明臺尋仙指點匡君宅彭蠡呼爲百甕春廬山偃
作三經席詩成傲睨江雲空牛斗之間氣殊迫劉侯
興至揮毫帚創意直掃千尋壁侍子和墨天池枯落
紙風煙變初格森如鐵劍橫秋霜危若飛梯轉九石
倒戟憑陵刺虎莊鼓刀想像雕龍奩雲鶴遊天鷺戲
海山來神品無今昔吳郎縱覽舌盡吐握筆如椽效
飛帛坐臥書腹腹欲穿三年不就沙中畫一壘三妙
名頗虛恥向人間弄精魄自從馬首分東西乾坤耿

耿世如隔赤城羅浮欲往從天風不爲吹雙鳥年來
溫陵戰初息鯨鯢血濺海水赤玄廬高倚刺桐城萬
事浮雲葉如擲世上新傳彭澤辭故人尚憶菟園冊
醉中日月能幾何老去江山一遺跡劉侯劉侯三歎
息結交少年誰莫逆相思難寄絕絃聲請君自看扶
桑碧

贈沈嘉則山人

海風蕭蕭吹大荒扶桑倒映八水赤三十六峯人不
見何來骯髒東明客尺刺模糊出袖中抗聲入坐談
今昔興來呼酒自引滿詩成朗吟海天白天白山蒼

巒霧出門納履霜欲穿托跡自比南州士側身豈
受時俗憐如君文彩何翩翩致身不在青雲顛青雲
白日自相薄藜杖綸巾殊不惡少年竊藉曹丘名鄉
曲虛然季布諾紅塵不蔽雙白眼觀視乾坤一瓠落
瓠落乾坤君莫疑漆園傲吏是吾師高車大蓋五花
馬世網縱橫安所之相將脫此聽貼窟窟與君同浴鴻
蒙池

贈林源甫秀才

海上天風吹白波蓬居藿食如君何憐君老大不稱
意詞場扶轡風雲過執經少年半青紫問字公卿走

玉珂牛衣對泣淚未拭馬廐招尋客總多揭來擔囊
謁昭武如挈龍鼎遊天河下堂執手上堂飲一醉不
復言蹉跎

丘鳴周見訪郡齋席間歌贈

七星堂前九曲水風雨冥冥石齒齒衝濤雙檝海上
來古色相看郡齋裏爲道新詩勝昔年須臾得意振
衣起掀髯斗酒月在杯應手千言星落紙酣來絕叫
昭陽君不必紛紛數餘子自古容華各自妍平生禍
福真相倚憶昔君爲司膳卿左掖高梧望伊邇雪川
孺子重結交長安呼作高陽里怪底詞園陸易沈風

雲反掌川陵徙予方幘被辭雙龍君亦懸車臥九鯉
同病相憐彼一時那知故人難未已天兵不解蒲中
圍白骨相撐高四壘力盡空存罵賊舌身輕不繫繩
城纜利刃其如彊項何鯨鯨失勢驕封蠃南冠蒙頭
髮吹面鼓篋酸辛肉銷髀人言虎牙不可磨偏若談
笑覆其尾海神呵護七尺軀羣醜那能瞻日視一夜
攙槍沒巨浪天留間道歸蓬累入國那知陷與阡家
家門巷羅荆杞妻子徬徨走相弔一淚一血南天紫
漢京冠蓋自雲集斯人落落乃如此黑牛白犢誰前
知雖伏雄飛浪相詆羞從澗轍呼路人旋拾殘編悟

玄理招邀同社方君敬行吟竝入樵溪浹下榻聊分
辟地憂將詩更博談天喜壺陽八面仙人峯一一樽
前爲予擬歸去重來意轉親三秋瞬息流光駛拂案
驚人五彩毫開緘贈我雙文綺自挾千年山水音相
遭莫掩鍾期耳心知非復吳下蒙斯道東南從此始
由來山川寶神物羊腸烏道平如底若非意外走羣
靈何用賊中垂萬死君不見文姬忍恥拍胡笳漢人
聞之哀不止又不見祁連山北黃雲悲河梁萬古蘇
與李

送江于夏下第還江西

千里之足垂天翼渥注冥海魚龍國雲歸失顧風無力鹽車躑躅蓬蒿息嗟君射策四十年詞鋒欲戩腹便便長纓一請成華顛和璞不剖光猶全垂首下帷心獨苦四方學徒半圭組鄰炊豈熟梁鴻金朝辭闕闔出神武廬山白雲坐懷古君不見漢家中葉好文主巾生胥靡遷生腐

酬戴金吾伯常論學

西京大戴儒者徒從龍奉 詔執金吾玉勒琯戈汗血馬先驅警蹕馳道呼道傍仰視色如土豈知將軍不徒武說劍能輕萬人敵談經更號羣玉府赤日耿

唐詩集卷之六
一三
耿垂高天辭金不獨關西賢結交欲盡天下士妬殺
五陵諸少年 兩朝侍從恩已深但學東方且陸沈
年來屬車少行幸休沐頗遂思玄心玄心如珠赤水
見精光不逐風雲變却問西河講業人此中何物堪
交戰

同黎員外戴使君遊海珠寺

熒熒海中珠潮汝爲吞吐偶爾乘浮杯飄飄凌覆釜
萬仞雲根插海宮徑尺靈光燭今古飛樓縹渺龍鎮
懸夾水分明蚌胎剖聳身乍躡崑崙丘馮闌忽在清
虛府人傳大聖起西方誰知真境浮南土山僧擊鉢

風雨來面面帆檣集如堵五羊城頭新鬼哭地維欲
絕蛟螭怒萬炬已奪摩尼光佛力曾爲十方主蕭然
四顧悲且歌二客從之竝起舞安得珠花拂大河一
掃攬槍淨寰宇

遊七星巖

一名關崖山

南遊未躡羅浮顛且向端州訪圓屋圓屋山形儼七
星北斗胡爲卓南隩出郭已覩真氣蟠中天不散靈
光轟點點青螺湧大潮枝枝玉筍抽平陸前溪絕類
桃花源百怪千奇映回泐呼舟却坐雲巒間峽口微
風爽春服蠟屐逡巡度石梁角巾欹側沾飛瀑須臾

洞門煙霧生簫鼓隆隆振巖谷乍入猶疑涉海宮深
探漸恐搖坤軸箭括斜通日月光泓潭自可蛟龍浴
斷崖垂絕一髮引陰磴欲飛萬濤蹴危峯倒削直指
地五色華蓋從空覆懸脂盡結金蟾蜍滴乳常供白
蝙蝠葯室璇房忽窅冥罔象妖魑暗馳逐故人掃石
移初筵新醅拍蒲鷗夷腹觴至重和紫翠吞醉來但
枕潺湲宿康樂好遊沈侯隱一日適意千秋足

蓮塘行

蓮塘城中老婦哭百家無煙但茅屋五月炎風吹血
腥烏鳶翩翩啄白骨蕭條驛路五馬回老婦遮道哭

赫矣南山北山盡蟲賊目枯不覩官兵來前夜海雨
地忽鳴一呼萬戟摧孤城兒女倉皇夢中竄肉飛如
雲魂相驚老婦病息僵未起長繩向縛鞭摺齒明朝
滄市無人聲家家化作潢池水妾命虛從虎口脫死
者不見生何泊但願官兵滅此曹延頸須臾赴溝壑

喜羅將軍至

六月暑氣上蒸天營門鉦鼓何銜銜朝來望海海欲
立天兵萬里飛樓船將軍昔佐元戎府烏石山前坐
講武慷慨凌潮叱颶風烏寇東還無隻櫓捷書三入
承明殿雄聲不獨元戎薦驃騎分持赤白囊斗牛橫

倚雌雄劍有客曾從樽俎間知君氣欲吞百蠻三十
六峯吐雲霧攬槍未掃顛毛斑竭來天子重推轂
嶺外軍書萬旗肅首鎧腰弓臂大刀長驅誓飽鯨鯢
肉絕域重逢事已奇況乃一室同安危黃石不朽白
猿臥壯哉斗酒君莫辭

里麻行有序

倭夷數千直搗高城城中人無不欲爲鳥獸
散蓋前所未有之警也予旣不敢以城爲注
遂躍馬引兵背城二十里拒之適陳將軍擁
士從間道來會於里麻一鼓破滅此不有天

幸乎時隆慶五年十一月十七日詩以紀事
且告吾父老安不忘危云

日出之國東南夷裸身被毳雕其題白雉不貢火珠
匿 聖朝千羽曾羈縻飛艘萬里狎潮汐鼓刀八郡
都瘞瘵高涼山郡大如斗比屋常嬰豺虎口年來一
旅控三關捲甲橫戈僅相守妖氛昨夜擾攬槍驚我
旄倪半奔走吁嗟此孽從何來長鯨巨鱷排風雷九
首天吳豈助逆六鼉無力三山摧若道孤城如累卵
高涼太守安在哉輕裘緩帶五花馬親提義卒屯中
野千人殊死奮登陴將軍却是從天下前驅慄疾如

縱鷹羣鳥紛紛毛血灑僕姑射火光照天陰風十里
吹腥腥羣奴面縛成魚貫首首分馳太白懸哭聲未
已歡聲震營門秦鼓何填填椎牛饗士解戎衣一騎
浮雲霧布飛黃石未授書生略赤心遠藉 天皇威
萬姓存亡決呼吸那可一日忘危機

賦得戰城南贈陳將軍

鼓振振風翹翹高涼城南殺氣驕太守行營面滄海
將軍擁纛干青霄援兵不向秦庭乞死士先從越雋
招白羽初開魚麗陳全軍赴敵如爭梟裸夷豕突鋒
正銳重圍已合前山腰登壇目中無片甲大呼一戰

說奉妖前旌競獻番王首餘醜雜沓成穿鷗千家拭
雲龍鳴凱三山瞬息陰氛消將軍鐵面萬人敵臨戎
叱咤迴長颺迴長颺激洪潮金虎爲符插紫貂呼醪
清引碑礮椀爲君重樹雙銅標

滇江舟中對崑崙石獨酌

白龍飛自西極來化作滇陽一片石孤根插水地軸
驚斗削蒼厓五千尺黑浪奔騰赤日低挽舟上瀨如
攀梯舟中客子好奇事抗身欲與峯雲齊持觴清泛
英州酒片片峯雲落吾手吾將跨汝還崑崙莫逐神
鞭更東走

舟過道士泐

當江片石危無根將飛欲墮忽已蹲下瞰幽宮幾千
尺洄流奮激東西奔豈有冥鵬浴沸鼎誰撾天鼓殷
雷門江煙不散白日匿長年三老俱銷魂指點吳魏
爭雄處萬軍一日蛟龍吞至今西塞山頭色猶是當
年戰血痕道士何來作松頂青霞爲室雲爲村四顧
風濤滿天地百年興廢如朝昏

陸廣道中

龍場西去羅鬼巢亂山無名倚天高 聖朝鑿險通
九驛欲令徼外無腥臊石逕崔嵬藜莽布獸蹄鳥跡

看如故經過百里無人煙但見千巖萬巖吐黃霧單
車摧折奈遠何攀梯躡磴迴盤渦氣候浮風景惡
陸廣山前陸廣河瘴波洶洶排山出兩岸猿聲哀落
日驛署孤懸虎豹宮人家半徙蛟龍窟虎豹蛟龍謾
陸梁摩挲寶劍騰精光不須結履從章亥亦足猶堪
步八荒

飯水西驛

相逢水西境大半鬼爲人鳥言難可解卉服日以親
雜繒裝頭銳如獄鐵距杖桴猛相剝掉頭不應舍長
呼望見前旌亂吹角道傍側目窺繡斧將前復卻舌

盡吐驛亭蹠進燕麥羹飽食且忘行役苦

次奢香驛因詠其事

我聞水西奢香氏奉詔曾謁高皇宮承恩一諾九
驛通鑿山刊木穿蒙茸至今承平二百載牂牁棘道
猶同風西溪東流石齒齒嗚咽猶哀奢香死中州男
兒忍巾幗何物老嫗亦青史君不見蜀道之闢五丁
神捷爲萬卒迷無津帳中坐叱山川走誰道奢香一
婦人

飯金雞驛

金雞山頭金雞驛空庭芳草平如席瘴雨蠻雲天杳

杳莫怪金雞不知曉問君遠遊將底爲脫粟之飯甘
如飴

閣鴉行

我行深入蠻王壘蠻兵被毳行且呼指點羅夷諸種
落延袤千里依皇圖歷歷重柵臨斷浦澗壘木樵密
如堵刀耕餘力射獵還磔雞賽鬼過鞞鼓蜀賈無時
市枸醬漢使不復問印杖櫪下騎嘶笳馬肥關中醉
擁燹姬唱閣鴉回首複嶺橫連雲不斷如長城此中
藏甲不知處云是 先朝靄翠營靄翠曾懸列侯印
翊我 高皇威獨震遙傳一檄定西南世世稱藩無

血刃豈其苗裔食故疆金紫蟬聯澤未央莫以彈丸
誇險阻脩文 天子今堂堂

醉歌酬沈兵憲

沈侯紫髯白頰臂掛蒼龍精酌我大斗攢我五文之
冠纓長鯨舒吻江漢澗巨鼇轉睫岷峩傾我醉且歌
君莫驚朝上燕臺暮夾壘帳頭嘈嘈羅施鬼燕臺駿
馬密如雲未必千金市千里天生沈侯豈徒爾

贈沈從善與其弟總戎

君不見諸葛兄弟天下才蜀龍吳虎何壯哉三分未
酬混一志二表徒激英雄哀君不見沈侯兄弟文

武挾策同心報 明主一經竝號萬人敵
學劍學書安足數
仲氏提兵鎮鬼方
青驄繡斧飛寒霜
季子仗鉞臨西羌
帳頭金印耀日光
將門子孫輕衛霍
萬里橫行絕沙漠
若使胡越猶二家
漢京枉築麒麟閣

宿谷里

石門風高千樹愁
白霧猛觸羣峯流
有客驅馳暮未休
山寒五月仍披裘
飢烏拉沓搶驛樓
迎人山鬼聲啾啾
殘月炯炯明吳鉤
竹牀無眠起自謳

題謝時臣野鹿圖

我聞瑤光散爲鹿
怪底羣鹿爭瑤光
不信良工縱盤

磅礴如何真宰爲低昂颯爽松雲走四壁玲瓏石瀨穿
中堂山深杳絕車馬跡雨過疑聞薜荔香羣鹿何年
此成聚芝苓爲榼泉爲漿文身半奪九霞豔解角能
延千歲強越國四駕非所貴齊侯萬錢豈足良長風
吻吻命儔侶側耳忽欲諧宮商雖無寵借上林禁不
驚犄角恣行藏奇哉東吳謝徵士石墨應手如飛揚
丘壑從來貯胸臆老夫野性聊相當

四月二十八日夜紀異

明星正在天霹靂何處起冠雀不及鳴玄駒不知徙
片時猛雨如連輪平陸揚波捲高壘屋上豈有山嶽

崩市中誰鞭蛟龍駛病夫無力補天漏事急安得蘆
灰止倉卒披衣夜已分千家叫號那可開三版番浸
四壁陷恨無羽翼騰高雲上帝怒叱河伯使神堯亦
苦洞庭君至今復作西徼厄萬卒幾與魚鼈羣前日
蠻府白異狀四月山頭雲如蓋夏行冬今奈爾何驕
陽轉助盤江瘴草木枯盡城郭災月令曰孟夏行冬
今則草木旱枯乃
大水敗其城郭今應矣滄海桑田一相盪朝來滔天之勢忽已
空杞人私憂幸無恙

華容贈孫兆孺山人

華容片地橫三湘鼎甲銅鞮耀帝鄉五十年來稍銷

敬精靈却屬孫家郎孫郎故是衣冠族古貌巉巖火
珠日壯年恥作逢衣徒自集芙蓉爲野服服成被向
五嶽遊五嶽煙霞一笥收自言大雅無今古醉殺不
聽東家謳虎視乾坤幾知己一日扁舟去千里得意
王徐二大夫但恨未交吳季子季子西從異域回孫
郎佇望葦華臺握手先投鸚鵡賦張燈且泛葡萄酒
杯中吸盡洞庭雲五嶽何如此夜分明月愁人霜草
白悲歌莫遣湘君聞

阻風城陵

洞庭煙光何淼淼客子輕舟坐天表便好乘流下武

鳥飛帆恨不疾如鳥那知五日石尤風繫纜只在城
陵東雪浪倒吹巫峽白霜楓遠浸巴丘紅怪殺檣上
木斑鳩嗚嗚喚我心旌搖衝寒塞鴈不成侶薄暮江
豚猶自驕楚地悲秋還楚客江望盈盈愁脉脉湘浦
雲分二女鬟渚宮月弔三閭魄岳陽城樓跨天塹十
二青螺吞瀨壑伏枯蛇化作山池翻巨鱗呼爲劍
古來雲夢跡多奇經過勿爲江神嗤有酒且邀若山
醉岸頭踏歌知是誰

君山行贈洪原魯

五瀦水落三江灣玉鏡中分十二鬟雪浪迎門捲空

翠君山合是君家山多君愛客展芳宴山水圖書兩
相眷瓊卮泛酒波璘璘金縷促歌雲片片歌罷君山
月已低掛帆欲往江煙迷湘君鳴環下白露龍女吹
笛乘青霓吹笛鳴環杳何適孤舟去天不盈尺與君
少別老難逢那可君山少今夕

方山人仲美見訪酒間賦贈

山人一出紫陽山弱水崑崙眉睫間足躡浮雲不可
駐佩邀明月持爲環短肖侏儒癯肖鶴胸中頗欲藏
寥廓少年恥自干公侯抗迹那能老丘壑操舟千里
謁吳郎累牘新詩石墨香金盡不知身是客興來只

與醉爲鄉平原布衣苦好名碣石上客虛相驚山人
持杯但長嘯儵然四坐清風生

題同伯所藏癯仙山水圖

披衣偶過王孫館王孫珍重出此圖只怪煙霧生几
席西日不落天模糊云是先王好手筆未數鄭虔與
江都拂拭已覺神鬼哭須臾蒲屋風雷驅素練如霜
任意掃片片江山自天造飛鴻浴鶴皆可呼殘花古
木令人老舟楫何來彭蠡濱琴樽忽置崑崙島王孫
尚哀手澤存衆人豈識心匠巧吳生冷然發高興起
問滄洲漫浩浩嗟乎吳生山水人藜杖芒鞋白葛巾

誰當爲指桃花津與爾一笑離風塵

齋中木槿盛開感而有賦

去年插槿不盈尺今歲作花覆墻出叢條密葉合蒼
煙澹白輕黃耀初日一樹深紅暈絳紗驚人彷彿開
山茶木蘭石竹抱幽意避爾不敢揚芳葩誰道花奴
強自持朝榮夕落莊生悲且將杯酒弔蘭竹世上繁
華曾幾時

答梁公智苦雨見懷

鍾風瘴雨天無輝海神怒叱千山飛城上懸流決三
版城中浪挾蛟龍威須臾蛟龍坐失勢行雲却爲雙

虹制扶桑樹頭赤日升黃污競赴東流逝乾坤變幻
一東流君胡不解天墜憂明日登牀執君手連翩起
踏鼇背遊

聞野哭作

日長臥起天昏田家野哭銷人魂春深五種猶未
分呼租之吏已在門亦知官法凜湯鑊何哉反裘行
負薪逃死無門生失計坐看百里成荆榛

鹿苑洞集卷之八終

瓶甌洞藁卷之九

武昌吳國倫著

始安張鳴鳳校
新安方尚寶

七言古六十二首

贈王予卿

王郎自抱荆山壁，精英欲奪三辰魄。總解逢人忌，開
投道傍觀者爭，辟易失價翻輕十五城。韜光且遜梧
臺石，我知此物非常有。徑尺熒熒璞初剖，一握雲霞
積。裏生三日摩挲未去手，祇今清廟四月明。肯使王
郎不台斗。

再贈予卿

魏地山河洵美哉使者輕裘按轡來手挈大行障天
府金湯千里行營開二曜分爲赤白羽層雲擁作烽
煙臺一呼三郡良家子控弦操戟成風雷邇時承平
厭兵革枹鼓不鳴家帖席臥內潛探黃石符軍中盡
秘阜囊策戲馬時過講武城折節還收說劍客可知
無事蓄天威虎豹深山龍大澤

答沁水丞孫世延

長安市中一攜手意氣相矜殊不偶別去蹉跎二十
年風吹綠髮成華顛尺書忽自長平至欲挽黃河瀉
心事束帶逡巡長吏傍誰知少府能文章醉後安眠

太行趾醒來但飲梅谷水平臺西望山崖我故人且
奈孫郎何

潁川值雪有作

蒼雲奄忽低穹昊羣雀喧棲何太早朔氣凝寒猛刺
骨集霰飛霏漫浩浩颯沓旋隨風伯驕鮮勻盡奪天
孫巧珠花著樹成海宮石乳浮山作蓬島工儀欲合
七聖迷何人復識許昌道許昌城裏駐征輪十月舞
絮爭陽春百堞光搖素鶴羽千蕩影轉玉龍鱗齊紈
魯縞失顏色帝臺天室增嶙峋授簡誰招梁苑客倚
空虛賦洛川神紫貂未敝且市酒從他兩鬢都如銀

八日又雪與李生廖生縱飲醉歌

河上春風怯駘蕩四塞寒雲恣決莽夜來積雪半封
條今日飛霰大如掌沙海須臾玉屑平平臺只尺瑤
華長狂夫喜雪頗成癖力疾婆娑披鶴氅呼兒問酒
夷門來坐雪滿浮鸚鵡杯乾坤漫漫雙眼白雪花銀
鬢懸相猜二客雖豪不勝飲匡牀倒臥鼾如雷梁園
此景亦奇絕鄒陽司馬難爲才

次廩延得周方伯書謂新釀且熟待予發興輒
賦短歌報之

梁園三月空鶯花一水相望天之涯爲報牀頭釀新

孰恨不飛渡，眠君家。榨聲瑟縮，疑在耳。黍氣氤氳，觸
吾齒。興發掀髯，挈酒經渴，胷流涎。殊不止。膾魚絲，筍
佐飛觴，便好三萬六千場。舉世皆醒，吾欲醉，眼中誰
似楚人狂。

重過蘇門卽事

太行出雲雲盡黑，一雨須臾山更色。偶自西河遡衛
源，塞帷已入周鄘國。鄘國周遭一彈丸，雲林窅窅山
蹊仄。村疇迴薄小，江南井邑蕭疎大。河北共伯道遙
失，歲年孫登坐嘯凌蒼煙。仙人不作名山主，終古蘇
門抱百泉。百泉澗底珠花旋，燭地涵空一鏡懸。有客

臨流不敢照昔遊綠鬢今華顛

自濟源入狐嶺道中卽事

太行一而軹城西西去山深雲氣迷四顧紛紛太行
遶前峯刺天天爲低無時大壑蛟龍奮夾路叢林虎
豹啼二濟涓涓發靈竅尋源夔異桃花谿遠村近落
迴盤谷百里煙霞鎖王屋野服難勝六月寒肩輿已
濺千崖瀑石門風雨排山來萬木爭鳴山鬼哭望望
仙壇阻勝遊呼膠且就田家宿

過陽臺宮

卽煙蘿子樓真處

萬山絕頂天壇麓古觀差峩華蓋覆有客尋真千里

來真人已去空陽臺白雲狼藉棟宇欹苔蘚半蝕開
元碑開元至今九百年人世非故山依然操觚且汲
洗參井鑽火旋開煮石鼎黃冠道士休相驚煙蘿之
子原無名

王屋歌

何處洞天三十六小有仙人住王屋王屋底柱遙相
望真氣高蟠太行腹上凌二睢開天壇下湧雙泉蹠
地軸滴乳繽紛薤葉垂飛巒合杏蓮花轟壁老軒皇
未采芝巖餘夏后曾刊木虛空匠出金銀臺輜輳規
成子午谷五色靈光夜夜朝道人爭訝龍銜燭攀躋

直造虛皇宮
千山萬山都拱伏
拂鼎重然西國香
調琴自奏神弦曲
虛皇授我太乙丹
使我顏童髮再綠
須臾笙笛響空中
起馭赤螭驂白鹿
俯觀四海一蹄涔
安見九州非粒粟
卷石崑崙點大荒
黃河東走不盈掬
向來虛誦五千言
誰道無言是真錄
河上老子浮丘生
八極歸來玉屋宿

泣玉行和灌甫作

卞和之璞天下寶
徑尺靈光徹窮昊
盡道五城當一觀
雙足胡然不自保
雙足可斷璞尚完
白虹黯黯垂頭看
陵陽山下千行血
沾灑秋雲片片寒
樂正荆庭

號玉工可知三獻總難同但使赤心終見剖辭侯歸
去勿言窮

毘山讀書臺歌

中丞買山冠江表絕壁重簷飛縹緲俯瞰菰城斗不
如千巖萬壑趨環繞二塔靈光徹夜明雙谿練色從
空裊卓筆遙爭五嶽雄振衣轉覺三吳小白蘋洲上
石蓮分故蹟猶傳柳使君臨眺不殊今日事風流應
竝古人聞人言古今一旦夕何物可易山中雲詩成
但醉烏程酒興至仍探禹穴文柏府絳驪人所羨河
渠書奏明光殿宣防不獨帝心勞賜告亦知臣力

倦毘山高枕曾未安蒲輪又起盈廷薦霖雨煙霞自
一時赤松黃石終相戀

送徐行父少叅赴關內

咸陽天下險洛邑天下中潼關睥睨周西東君白三
川歷三輔分陝經營王命同登車慷慨千人雄矯
若八翼凌蒼穹左馮翊右扶風漢關秦畿指顧通爲
將匣裏雙龍劍擲作天邊二華峯

光山別劉元善作

君不見薛公食客三千人一朝失勢誰爲親又不見
翟公賓從何焯灼須臾史門前可羅雀我今解組還江

臯北風吹雪沾綈袍故人惟有劉元善扼腕傷心游
被面伴狂走送木陵關十日踟躕未忍還曹丘意氣
任安節不及劉生方寸烈伯勞鴻鴈忽東西中原白
日慘無輝黃龍洲邊繫釣舫期君真泛星河上

庭中山茶三月盛開感而有賦

山茶故挺霜雪姿三月爛熳非其時却是花神遠留
意客子還家春事遲庭中兩樹扶疎發陰雨晴曛總
護持向來手植頗珍重十年始復諧襟期葉布星稜
綠尚淺花蒙鶴頂丹尤奇寶珠竝訝蠻王獻宮粉旋
驚孺子窺桃李同榮不解妬歲寒松柏翻相疑天時

物態每如此頭白風塵安所之且向花間飲美酒東
風莫作王孫悲

酬武昌熊伯子見寄

漢陰丈人亦我師五柳先生歸未遲一壑幽棲白雲
裏適意還從造物私美人相望江之湄紉蘭集杜遙
相遠心知此物等雜佩世人恐作蕭艾資含情欲擬
三閭賦抗志遙凌七命詞長鋏倚歌動激烈明珠入
手光陸離金張舊業苦難恃孔李通家稱最奇君上
西山覽西塞古今興廢如推移且飲醇醪枕石臥百
年誰見河清時

洪水歎

玄雲觸石氣鬱蒸兼旬猛雨何奔騰義輪失馭萬形
匿須臾積潦成襄陵長溜涔涔昏復曉翹首扶桑隔
天表太平山下游龍行百里民居半爲沼合隸名
炊爲災七澤愁陽侯一怒千屍浮喬木摧爲萍葦泛
高原只縱鼉鼉遊雉城三版纔如臼蛙竈沈淪絕糧
糗倉皇欲訴洞庭君震蕩偏逢西海婦據牀無時起
歎息四野哭聲哀孔棘乘桴未穩浮海身煉石難輸
補天力嘉禾處處變菰蒲傷心更急官家租魚腹虎
牙同一死天門萬里誰爲呼

山中吟

去年行部大梁墟，雪風刺骨泥沒車。今年歸臥南山廬，長日無營但著書。人生適意無顯晦，却怪靈均困卜居。喪馬之翁寧碌碌，夢蝶之子何蘧蘧。灌園且抱漢陰甕，把竿時釣武昌魚。自放楚歌還楚舞，獨醒獨醉從所如。世上悠悠朝復暮，曾知造物有盈虛。

溪上醉歌答羽王

百嶂之蕙九畹蘭，遶屋千樹青琅玕。人間塵垢滌欲盡，世外交遊遇轉難。我友真從天上謫，握手無言兩驚絕。一樽戀舊愁且寬，十載投荒宦非拙。山中二月

秦事幽肩與露冕遙相求竹下溪頭坐何厭雲歸日
入吟未休蘭亭風景亦如此有酒對君胡不爾天鑿
西礪萬古泉今朝始作流觴水

同仁甫羽王賞牡丹

洛陽牡丹天下花移栽不厭開山家瓊瑤爲肌雪爲
魄重英片片凌飛霞景初憑葉天蟠酣風却借枝
欽斜神女夢中雲欲斂天孫機上錦無華數朶盈盈
圓徑尺豔質穠香苦相迫煙梢淺著丹州紅露藥輕
含湘子碧化工豈助花木妖勝賞翻愁歲年擲花前
一醉抵千春安用人間明月璧

閔雨作

老夫兀坐明農堂農人告我春務荒一雨五旬天黯
慘二麥半實波漂揚連宵霹靂不肯住明日滂沱猶
未央穰稌已朽桔槔廢戴勝不至鳴鳩藏南畝空嗟
稻苗死東園蒲目蒿萊長相將魚鼈戲城市豈獨苦
蘇蒙衣裳千家野哭帝閭遠卒歲經營委望洋安得
揮戈蕩陰禳普天重睹三辰光

四兄六十初度歌有引

八月正弦氣清天朗仲氏初筵羣我少長邊
豆既饋笙竽迭響四座盡歡百靈駘蕩爲主

人壽降福穰穰季子且醉賑然鼓掌且鼓且

歌曰

人言君子有三樂竊恐人間樂未真天下英才各自
好椎牛孰與雞遠親況我行年五十五庭荆半謝爲
塵土含情羈宦三十秋歸來但與仲爲伍五年以長
髮初華童面似業彭聃家進食同甘諸葛菜侑觴時
雪邵平瓜敢言事兄如事父差強斗粟與尺布雲中
二鴈忽成行原上雙鴿驚自顧陸家白壁許家龍猶
是浮名勝友恭安似頃篋嘘一氣和風天籟遙相從
朝來置酒湖上開賓客如雲恣譴謔仙槎靈桃燦畫

圖瓊飴玉髓分杯爵絳人虛解數甲子王母何曾授
元始適意如登太上宮安眠卽是崑崙址季子新裁
碎荔衣爲君起舞青霞飛摩挲銅狄勿言老大椿却
耕風霜肥

洞庭漁人孫仲可輓歌

洞庭湖水平亘天巨濤千里廻蒼煙釣竿漁罟如星
密何處曾泊孫郎船見道孫郎負奇節公車自罷甘
巖穴有時戴笠坐菰蒲手引長鯨絲不絕棘澤寧無
尚父才桐江好待狂奴回林間索酒波間醉世上營
營有何意魚腹難銷泪水魂鵬飛竟作長沙祟綈囊

有書兒解讀莫向西州悼華屋采采江籬賦大招修
靈千古同濠濮

爲楊伯海題其先世十賞閣卷

自古興亡一朝暮金陵六代無新故秦淮水遶四望
山山前古閣摧爲墓見道楊侯此閣中匣琴案史流
清風傳家未斬垂危澤開國猶餘不賞功都督就死
甘如飴兒孫覓伏那可知丹書鐵券總銷滅此卷尚
留神護持掩耳莫話先朝事破家能寶故侯字白門
慘澹江聲迴不盡楊郎千古淚

羽王爲我題蒲萄卷走筆謝之

蒲萄葉葉尺練寒澹煙濃露生毫端墨香凝滴馬乳
汁珠顆欲墮千塗盤漢王出盤千塗國所貢張郎嗜佛亦嗜酒
開卷詩成何應手但與溫師飽清供不須持換涼州
守

謝羽王送貓

怪哉黠鼠巢吾廬嗜吾衣履殘吾書幸君乞與狸奴
子鏡目齒文虎不如竦身一發捷飛電須臾喋血陳
疑見安得壯夫如此狸鼠視羣醜無虛戰

送吳叔嘉遊廬山

吳生莫是延陵裔性好遨遊衣薜荔挾策恥自干諸

侯操觚頗欲輕一世藝苑知名走貴公
昔言得意千人雄結交晚遇張京兆
盡棄新聲學古風我也濟浪老漁父
那能爲汝開靈府觴酒醉之嘉樹園
三歎卽歌時起舞忽然興發且東去
咫尺江天風可御披衣直上廬山顛
爲叩匡君學仙處七嶺西浮三石梁
我昔遍踏雲蒼蒼徵君之宅在其下
至今松菊何曾荒

關中觀家僮累石成山罔然有作

爲園不須梓澤津采石何用穀城文
湖上輪囷古沙磧驅來一一含煙雲
乍離水府螭尚繞突入山第犀成羣
似隨東海神人策不藉西川力士斤
池上林亭

雨初霽奇形怪狀森如綴一簣崇朝委竹間諸峯幾
日排天際丹梯不洗舊莓苔翠壁高懸新薜荔禽鳥
歸飛忽自驚短牆藜樾怕虧蔽山楹小鑿巖石開蓬
蒿徑時低徊雜香疑填精衛海清虛恍坐金銀臺
閒居自擅一丘壑世間何處無塵埃巢父園公故吾
侶小山五嶽同崔嵬

短歌答曹伯舉時伯舉言別赴京

大夫懸車臥三徑四方詞客走相問偃蹇曹生最後
來圖南萬里心殊奮竹杖藤衫白葛巾雲霞海嶽藏
精神自言羣態低眉過那得孤懷抱膝伸稱詩垂白

敢言老挾刺逢人少傾倒一聽滄浪漁父吟隔水招
尋恨不蚤嘉樹園中碧石寒甌甌洞口森琅玕留君
小作辟暑飲滄蔬燒筍恣餘歡酒酣曳履去何適大
火薰蒸關塞赤遠遊未卜昏嫁期末路寧辭斗筲役
長安道逢遊俠兒醉殺勿言君解詩鳴玉珥貂世所
豔不須一字能干時

過通真觀訪胡茂承途中雷雨大作卽事成詩
中車出郭臨長橋大雨忽至風雷驕夾水蛟螭莽相
鬪怒濤爭撼前山腰前山樹隱玄都觀只尺不辨滄
浪岸僕夫辟易喧未休急潦橫奔路中斷赤足踉蹌

走觀門似從蛟室登崑崙故人披衣起迎客相顧但
笑呼開樽一樽未開雨乍歇玄關貌出金銀闕萬壑
飛泉注海宮恰好與君同濯髮

舟送張羽王出富口酒間羽王有作歌此答之
八月長風鼓怒濤老夫送客浮輕舸征帆欲發且復
止執手江干呼濁醪鴻鴈悲鳴楊樹浦黃龍捲雪如
山高此時感別魂易斷萬里西歸一敝袍仕宦從來
少遇合詞臣強半棲蓬蒿不如且宛君卿舌對客莫
染江淹毫九疑山陰八桂嶺白雲玄鶴從君逃君不
見衡衡大難起撾鼓江夏何曾識鸚鵡漢中雞肋破

犀疑坐殺小兒楊德祖誰道文人不忌才阿瞞之毒
淫於虎全身却許漢狂奴濯足聊隨楚漁父豈厭
閒酒伴稀吳姬鳴箏越姬舞

官橋送別楊仁父使君

五龍關前五馬嘶官橋楊柳風淒淒扶攜老幼空城
出無力扳君馬首西遮道哭聲震林麓五年遺愛
秋渥郭伋曾來未失期何武且去何時復亦解襄陽
是壯遊輕裘緩帶殊風流傷心此地肩初息那可一
日無君侯酒盡斜陽黯自悲何言後夜長相思我登
龍山望西峴千里雙懸墮淚碑

爲龍君揚書友蘇堂卷

河南太守人中龍薦書歷歷排九重不成駿骨收燕
市只似蛾眉入漢宮一語驅之走山郡折腰倒版爲
誰容雪堂新刈前朝草赤壁重流學士風興至一樽
且酣臥古來三足虛爭雄請看萬里江無際片片白
雲行大空

從楊少府別業望鳳樓巖

鳳兮鳳兮胡不棲虛巖今古高雲齊陰洞時時吐煙
霧排山觸石奔前溪須臾風靜天日朗碧蘿蒼樹扶
丹梯我昔登巖復穿洞至今幻境心目迷九苞想像

千仞外俯視人間萬境低恨不移家領奇勝與子磨
崖日醉題

寄題宗良王孫摩尼菴

聞君選地平如掌結宇安禪息塵鞅浦口珠光徹夜
明林間寶樹如雲長豫章城中十萬家一室偏棲九
色霞碧筒丹筒都戒典天龍人鬼俱恒沙滕王歌舞
久銷歇萬古西山臨水月寂寂能空水月情不愁濟
海無真筏

過五郎磯

黃龍舟前雪浪飛浪花疊作五郎磯小艇縱橫截洄

卷之六
一
伏張網捕魚一何速造次經過不知險坐愛山永綠
如染閒情沙鳥俱悠悠萬古如斯江漢流

飛雲洞歌

不信回山天下奇彩雲出沒江之涓江上停舟跨雲
走飛繡曲磴相撐支須臾雪色破煙霧幻出芙蓉光
陸離一竅由來渾沌鑿懸脂滴乳紛纍纍白玉爲樓
臺春負寒泉作雨山心垂中有澄潭杳莫測下臨丹
府幽難窺高松尚息千年鶴絕壁常榮九色芝靈宮
卻在祇林楚紫籜蒼藤歛蔽虧俯身殊欲墮空界抗
足還如踏武夷天花密墜霞精結石髓濃分露掌持

入關已隔人間世到境翻疑太古時
二客如狂但呼酒徘徊落日峯陰移
我聞洞天三十六汗漫仙蹤何所之
可知真宰愛靈閔千秋更許還丹期
莫怪漫郎遊未遍只應我輩歸遲遲
函關望氣虛相借玉笥藏書此亦宜
西塞山頭月漸吐長江萬里天風吹

奉酬司馬陳公寄題北園之作

臨流結宇新成村謝客抱書常閉門
旋引山泉灌薇蕨小移沙磧支崑崙
無能頗類愚公谷自給聊同仲子園
雙鶴朝來作意舞甌澗口霞如組
誰傳尺素下蘭臺爲報瑤華發樞府
一日文光艷菱荷百年交

義駢今古開函魚鳥紛相驚憂縱歌流金石聲興比
乘舟訪安道賦似臨湘弔屈平老夫何幸長高價毀
壁猶連十五城

贈劉子

劉生任俠世無偶裹足東西南北走曾灑丹青動五
侯更操黃白求三友符法縱橫役鬼神劍光明滅干
星斗好道疑逢白兔公傳經忽悟青牛叟飄然訪我
滄浪濱大藥無囊書在肘游蘇精華方寸間叩之如
擊秦人缶病夫無力馳紫庭花前與飲長生酒酣至
瓶甌洞裏眠夢回天地吾何有

詠石浮龍

龍道龍行不見石胡然化作沙中磧卻驚海上浮山
不縹緲虛無薄潮汐暮雲平擁十二樓春水從深幾
十尺白道波痕約錦纏四時鮮色縈金碧八十一鱗
珠蜿蜒霞色映天天爲赤豈緣無力可飛騰遠託江
湖爲泛宅神物由來自有真蟠泥乘霧都遺迹請看
澤畔捕魚人解笑當年顛顛客

夜泊瓜口江上步月

孤舟旅泊新愁結乘興遠遊非怨別渡口棲鳥何沈
寥帆前漁火半明滅幾家茅屋不成村一片煙沙渾

是雪起步江干攬月華放歌只恐樽醪竭

舟泊漢口司馬陳公載酒渡江爲長夜之飲賦

謝

蒲衣竹笠滄浪叟玩弄煙波忘白首短棹乘春沂大江東風送之過漢口漢水西來高接天洪濤猛蹴羣山走落日全昏鷁渚磯停舟且繫晴川柳隔江簫鼓何殷殷樓船如屋旌如雲戈艦儼開魚麗陣旒纓疑勒水犀軍中流小隊傳呼急夾岸材官次第分爲道總戎能載酒招尋野客來江濱大別山頭月未午江光千里明於紉錦纜牙檣動列星金樽綺席臨芳浦

禮數先從入坐寬中懷竝借銜杯吐登歌不采大堤
謳擊劔何煩長袖舞憶自君侯鎮荆服箝貂插羽無
亡鏃坐使蠻夷款自輸祇今江漢平如陸百年此夕
會偏奇絳燭屢更歡未足君不見郎官湖上鷗不驚
處上洲前草增綠

登大別山歌

大別分明一老龍蜿蜒百里如行空昂頭奮甲吐煙
霧天帝叱蟠雲夢東懸水中分萬流合滔滔江漢趨
朝宗我登其顛縱遐覽荆楚津門此最雄斗大雙城
夾匹練千山列戟森雲中蕩曾野色浩無際何處蘭

臺賦楚風柏上凝霜化碣石波間落葉漂蒙衝昔人
割據侈偏霸陳師水陸旋相攻旦暮興亡總一夢茲
山亘古開提封山前古廟蔭古木十尺豐碑頌禹功
禹功不磨世屢易探奇莫厭披蒙茸落日振衣發長
嘯冥冥天外過飛鴻

江上有聞與行甫醉歌

君不見霍光秉政二十年子弟親朋羅御前一日鴟
鳴鼠盡地千家銷歇無人煙又不見竇憲勒石登燕
然入朝封拜何翩翩朝賜食邑暮賜死腹心牙爪墜
深淵古來寵利難久恃況乃專恣竊帝權菽麥未分

駢鼎甲吮癰舐痔稱豪賢
跳笑羣兒自相貴
蠅營蟻附克都歷直臣
竄死詞臣放自謂
機衡可世傳
豈知四海已重足
戾氣鬱鬱于皇天
瞬息風雷不可測
坐見川陵有變遷
遠同霍寶無旋踵
近視分宜亦比肩
失勢紛紛抱頭泣
冰山日出平爲田
塞馬得失故相倚
楚弓存亡誰見憐
電光石火須臾盡
九錫何如一醉眠

侯憲使邀同仲美遊峴山因過習家池酒間漫賦

襄陽重鎮馮三峴
峴首昂昂藏
臨漢沔古水東流直至

今空山卻藉伊誰顯不見當年墮淚碑惟餘一勺高
陽池池泉欲涸釣臺圯蕭蕭草樹都含悲使君好客
復好古每當勝處移樽俎野興何如習侍中高風不
減羊開府萬里江風吹月來山南山北浮雲開世上
浮雲總千態不敵登高一舉杯

登萬山歌

憶昔杜氏誇南征銘功自勒雙碑成萬山上下雨不
朽一口坐樹千秋名客子登山弔遺迹川陵未改朝
市更上碑已沒狐兔穴下碑徒使魚龍驚漢水悠悠
逝不反功名未必流芳遠枯松老檜拳風霜前代英

雄已難挽屈宋當年無片石至今生氣滿湘蒲酒酣
二客歌正狂襄陽城頭日垂晚

萬山之陽爲王粲故宅其下有解佩浦卽鄭交甫
甫遇湘妃處偶同二客一過因作此詩

萬山西臨漢江浦落日射波如織組乘興移樽下石
逕由來勝迹無今古漁人指點沙岸間殘磯廢井猶
堪俯舊館曾依王仲宣湘妃豈識鄭交甫昔人已往
今人遊誰能楚歌誰楚舞送盡江雲送大堤醉看明
月峯前吐

登天柱峯歌

玄帝之神天下聞玄嶽之山天下尊灑靈盤礪八百
里寰中五嶽都兒孫左挾秦韓右梁楚大觀不復思
崑崙古柏陰陰夾馳道萬折千盤儼天造石欄飛遶
金銀臺丹垣曲護神仙奧泉奔絕澗鼓風雷霧匝虛
巖龜虎豹參差殿閣表青林翠峯聳插太陰玉階
斜引天門杳貝闕高張紫極深矯步纔停九節杖一
峯忽起標山心峯頭造天不盈尺何年飛蛻此遺迹
我來未遇紫元君卻信真人有真宅雲霞滿袖星在
掌隱隱扶桑日初赤回看五老與三公已在山腰露
草中好將呼吸收元氣何用修爲助化工無上道從

無上得乾坤色相總玄空

爲蔣大夏題育堂冊有序

舍山蔣杞字大夏少孤子於世父如已出已
又督誨之業儒登貢籍卽大夏不復知其世
父也因自名所居爲育堂蓋紀世父如父以
示來裔耳挾冊遠來索題爲贈此詩

蔣生懷抱何忡忡炎天叩我深山中千里寧緣問奇
至雙淚非關泣路窮爲言家世無華屋舍山山前半
畝宮自名育堂僅容膝行年老大思系遂絕乳幾希
錄場鬼托孤艱難藉長公鄧攸棄子子何罪李密陳

情情未終豈及吾家托孤事兩全大義流仁風二天
不斬宗禰澤一介旋叨貢籍通藐然何以至今日撫
我之恩生我同蚤夜登堂心寸裂班衣鼎食都成空
願君一語當華袞匹夫千載聲稱雄吁嗟蔣生不忘
本許國應能效赤忠

笠山洞歌

南山古洞樵人闢莽棘新除石梁扼無復神仙駐紫
臺刺有雲霞樓絕壁重門窅窅陰雪寒仄徑盤紆斷
崖迫結構寧資斧鑿勞玲瓏不見鑪錘迹兩峯瀑布
懸太清萬頃湖光凌空碧永日都無行路人炎天卻

山徑奇容奇哉此山復此湖與客當之意俱適倒盡
金樽發浩歌輕風反棹平如席

送堪輿家楊生遠遊

老夫晝臥甌甌洞何物楊生來叩門一刺出懷已半
敝掀髯入坐雲之根自言蚤業青烏經能墳九則役
五丁金柱銅儀掌中幹珠丘石窳潛真形相將與之
探坤軸辭我遠遊一何速洞裏無他可贈君巨靈之
手大章足

再贈劉生

遊子飄飄暮未返褐衣千里風霜短探囊不惜錢刀

空入坐但嫌杯酌緩買棹言同范蠡舟僦居便作長
房館芙蓉爛熳水亭幽煙雨蕭條山郡清且憑歡謔
送秋愁不枉衰遲增酒伴贈爾新詩莫浪傳惟應一
藥攻吾嬾

寄贈臨淮侯李惟寅

將門舊說西平李當代元勳誰更擬鍾鼎煌煌冠五
侯貂蟬累葉人爭侈何哉有子稱象賢翩如鸞鷲橫
秋天書擁珥戈扈清蹕夜分藜火搜遺編由來受學
金華殿紈綺瓊瑜非所羨爲愛中原六子名論文講
德懸相戀自從攜手燕山下抗志飛揚趨大雅結社

于今遍兩都眼中誰是知音者

茂承自京師來見訪留寓北園越旬日不能別
倚醉漫成長歌

長安公卿下布衣布衣名實從來稀竊藉曹丘互相
市千金然諾中依違詞人慣道明經拙食客先蒙鼓
箠譏南州高風日以遠中原雅道何其微自識新都
茂承子一言慷慨成知己詩力居然破古今交情更
許輕生死酒酣屈指陳名家那肯庫庠及餘子子雲
筆札君卿舌異代相遭亦如此我已懸車臥空谷君
來不惜濡雙足聞道行吟過永安看雲但借柯山宿

太守何如皇甫規狂生不忝趙元叔可知布衣能重
人安用遠巡蹈流俗嘉樹園中萬菊芳茅齋且作君
家堂石榻青分脩竹蔭巖石赤射芙蓉光不愁山市
酒難繼只怪平原飲未長落日高歌躡壺嶺大湖秋
盡天蒼蒼

同諸友人登黃龍洲

浮江十里黃金沙富口周遭石岸斜爽水移舟犯鷗
鷺羣山拂浪漂雲霞初疑龍脊負海市忽似牛渚橫
星槎客子臨流感前事此中片地曾千家千家已沈
洲復見百年陵谷須臾變想像當時卷雪樓一區奇

勝三湘擅文梁畫棟委蛟宮惟有濤驅雪山戰世上
浮沈那可常席地開樽且相勸

觀黃鶴畫馬歌

曹韓畫馬冠唐史近代稍稱趙承旨六法于今久寂
寥狸骨螭頭浪相詆中都假寒來黃生客楚三年未
著名晏坐舍毫悟神理恥操片紙干公卿渡江千里
叩巖扉一語當樽興欲飛吳州生綃瑩如雪象形磊
落心精微濡墨已疑天雨粟澹掃權奇馬如鹿骨相
全師八駿圖天機欲奪九方目行空伏櫪本殊態歎
玉流珠那可再高價虛傳郭隗臺橫行好絕單于塞

閒闔風生匹練搖渥洼電繞龍駒驕山堂入夜雷雨
作卻愁神物俱騰驍吁嗟黃生妙心手孫陽一顧偏
難偶騶裏長鳴九坂途廣衢爭策凡駘走

富口發舟東行四十里遇大風折舵幾覆復平

與仲美醉歌

可笑甌甌洞中叟老來性癖耽遨遊西去纔停漢水
棹東行更泛吳門舟吳門故人二千里恨不風帆疾
如駛兩岸青山盡逆飛中流獵獵狂飈起狂飈鼓浪
浪蹴天帆摧舵折舟盤旋僕夫叫號長年哭只尺便
抵蛟龍淵蛟龍厲齒猛相向擬殉靈均魚腹葬照水

艾犀那及燃沈江鐵鎖難爲抗沈江照水方已微誰
能坐制天吳威管寧思過只晏起何勞斬怪招要離
要離已化吳中土蝦蟇負舟見神武老夫長嘯方郎
歌生死須臾亦千古嘯歌初歇風漸柔江神爲我驅
陽侯泊舟且市漁家酒醉看月上廬山頭

浮玉洲席上贈王承父短歌時承父久病小愈
強爲予出因示所賦老檜歌奇詭宏麗心甚
壯之知其病易起也故有此贈庶幾當七發
云

別君薊北門逢君具區澤一顧諸所思三歎感今昔

南北參辰二十秋昔時少壯今垂白蓬居依舊原思
貧瘠臥漸解王陽厄詩態差存酒態非摧藏似塌垂
天翻豈合衰來骨相移遂疑病後乾坤窄吳江縣令
雅好文能禮布衣爲重客展宴同登浮玉洲野樹蔥
龍水光碧湖風吹倒洞庭山化作長虹幾千尺蜿蜒
飛跨三江流七十二門海宮闕天留片地與論心月
上層臺照移席我已顏唐不任杯君但安坐如面壁
須臾出示老檜篇四坐賢豪都辟易恍忽虬龍走陸
梁雷電倉皇怒濤拍一時縱筆攘天工四百餘年標
勝蹟看君神氣猶乃爾何用憂生苦煎迫飽食尊鱸

高自眠素卦不忝五湖伯

吳中醉歌與羅伯符

山中別我亦何久江上逢君良不偶相看已改別時
容何當莫放逢時手娶故浮生信轉蓬風流所至難
爲耦書法年來漸有神下筆不遜顏與柳有時醉墨
灑煙雲捷若良工揮墨帶黃金遍結高陽徒白首不
納臨邛婦詞名藉藉公侯間長揖自稱布衣走棠裝
已盡四壁存猶解家珍爲我壽閭闔城頭千樹花姑
蘇臺畔百壺酒入市那聞伍子簫當筵但鼓秦人缶
酩酊將從海嶽移歌呼猛敵蛟龍吼吳中豪傑君所

知向人休說。甌甌叟。

閨門別吳叔嘉短歌

吳中少年多好文。澹交雅致無如君。綠髮遊蹤半五
嶽。歸來四壁滄江瀆。憶從下雉一攜手。乞我片言常
在口。我今東泛五湖來。十日三醉君家酒。酒酣欲別
君。奈何閨門獨立成。悲歌贈君盧敖之杖。王喬烏片
雲。吳楚便相過。

悼陳光州貞父詩

長安市中得吾友。肝膽熒熒片言剖。奄忽風波羽翼
乖。一官浪逐羊腸走。生平俠氣當奈何。自憑短劍鳴

鳴歌恥用文章博聲利強從案牘忘蹉跎蹉跎已自
非人意厭世胡然託魑魅隣笛但送山陽悲天樂虛
迎玉樓記九龍山前三尺土宿草鬢鬢隔今古酒熟
蘭陵好共沽衰哉不起陳貞父

爲馬明叔題沈啓南雪月杏花圖

啓南作花疑有神落筆反使花失真兩度僧房寫文
杏至今不散祇園春月中巧借曲江影雪後驚移洛
水濱枝幹橫斜不盈尺淺碧殷紅半狼藉瑤霰輕沾
玳瑁梁清輝欲奪嬋娟魄玄都桃樹斂精英東閣梅
花遜標格乳燕飛來忽自疑寒輕二月芳菲遲天孫

細錯飛霞錦玉女偏矜絕世姿留獻摩尼作清供慶
雲老衲何曾知

北園與諸客登山縱飲王行甫曾選甫倚醉相
拉入舟竝溺池中起而縱飲若故予甚壯之

爲作短歌

帝嶺之顛醉狂客縱橫不厭杯行迫曾郎起舞王郎
歌騷極那知忽相厄握手登船蕩漾池豈緣風浪觸
蛟螭俯身並赴清流臥山亭側插乾坤移負石懷沙
自古人兩生何意甘沈淪須臾起學雙龍躍童子還
疑見水神濡衣被髮且呼酒人間變態此何有達者

從來齊死生莫教一日杯停手

雞山歌與熊處士惟登徐孝廉應時賢兒無忌
同遊作時萬曆甲申初冬日

雞山千仞層雲矗百里通川遶雞足興發扶攜造絕
巔飛梯險絕盤渦曲野竹叢分華子岡懸泉溜決康
王谷峯蟠怪石摩空冥洞宿明霞迴幽獨日夕猶舍
隴霧黃霜尚不改巖柯綠攬衣纔傍錦屏過躡磴還
驚仙掌覆高步分明出天表三楚風煙在吾目江分
九派下潯陽兩岸千山都釜伏只有廬山五老峯氣
氤紫氣遙相燭莫怪登臨老未休一日塵襟淨如浴

鹿野洞葉卷之九終